

սակալին ամալ միայն զսահմանեալն, որք էին աւայեթ, սահ-
 ճագէէ, Խարած սահմանեալ . 4000 դահեկան իբր ծախս
 'ի չորս նուազս տարւոյն, և Խարաֆէ 1375 դահեկան, որ
 եհաս յաւուրս ձէզար Փաշայի 25,000 . դոնէ այսուհետեւ
 զսոյն դումար հատուցանել . իսկ 'ի բազմանալ վիճմանց
 եւ նեղութեանց, ազդ արասցեն 'ի Կոստանդինուպոլիս .
 զի նոքա գտցեն զհնարն, ապա պատուիրեցին փութով
 ժամանել 'ի մայրաքաղաքն Մարկոս և Յարութիւն եպիս-
 կոսոսաց և թարգման Աւետիսին, դրել առ Սիմէոն, Դի-
 ոնէսիոս եւ Կարապետ վարդապետս, որք գնացեալ էին
 յԷջմիածին, զի զկնի ձեռնադրութեան նոյնն յաստիճան
 Եպիսկոպոսութեան տճապարեսցեն դառնալ 'ի թագաւո-
 րեալ քաղաքն, նոյնպէս առ Գարրիէլ եպիսկոպոս Նուի-
 րակն Զմիւռնիոյ, եւ առ Մկրտիչ եպիսկոպոս Նուիրակն
 Տփլիսու, թողեալ զգործս իւրեանց փութացեն անդ .
 զի գլխաւորք ազգին խորհեսցին ընդ նոսա իբր երեւելի
 գործակալս Աթուոյն, և տնօրինեսցեն զօգուտ նորին . բե-
 րել յերուսաղեմէ զտումարս պարտուց, զի առաջի ամե-
 նեցուն բացցին վէրք տանն, զի մարթասցին հնարել զօ-
 րեղ սպեղանիս : Սկիզբն խորհրդոյն կամեցան հրաւիրել
 զնոյն ինքն զԹէոփորոս Պատրիարք, այլ հայեցեալ յայլս
 ձերութեան նորին խնայեցին 'ի նա, և զի մի վտանգ ինչ
 գիտեսցին 'ի պարտատեարց անպատուել զնա իբր փախըս-
 տական : այլ բաւական համարեցին կոչել զեօթն Եպիսկո-
 պոսուսն և զԹարգմանն, և զոր ինչ սահմանեսցեն 'ի խոր-
 հրեան, լիցի ընդունելի ամենեցուն :

Չայս ամենայն դրեալ ծանոյց Պօղոս եպիսկոպոս առ
 Թէոփորոս Պատրիարք, և յորդորէր զնա փութանակի հա-
 նել 'ի ձանապարհ զվարդապետս եւ մի ընդդիմանալ կա-
 մաց ազգին, զի մի յետս կացցեն, յայնժամ չլինի օգնու-
 թիւն յուստեքէ, որով լինի վտանգն չարաչար և 'խորտա-
 կումն մեծ . ոչ Պատրիարքն եւ ոչ Ամիրայք գրեցին գիր
 առ Թէոփորոս, զի տակաւին տիրէր երկպառակութիւն
 'ի միջի նոցա . և ոմանք իսկ չկամէին յուզել զխնդիրն Ե-
 րուսաղէմի, այլ ակամայ կամօք զիջան յայս խորհուրդ
 (1815 . ԵՅ Յունիսի) :

Իսկ երեքին վարդապետքն հասեալ յԷջմիածին ձեռ-